

၃ ယောဟန် ယောဟန်ရဲ့ တတိယပေးစာ နိဒါန်း

ယောဟန်ရဲ့ တတိယပေးစာ ဟို့ ခရစ်တော် မွီးဘီးန ၅၀ န ၁၀၀ ခုနှစ်ကြားမှာ တမန်တော်ယောဟန်ဟု ရေးဟွား ဟွယ်။ ယောဟန်ဟာ သူ့ကိုယ်သူ စာရေးသူဖြစ် ဖော်ပြဘဲ န သတ်ကီးသူဖြစ် ဖော်ပြဟွားဟွယ် (၁.၁)။ သူဟာ ယော ဟန်ရဲ့ ဒုတိယပေးစာမလည်း အယ်မျိုးဘဲ ဖော်ပြဟွား ဟွယ် (၂ ယော ၁.၁)။ ယောဟန်ရေးဟွားဟူ ခရစ်တော်ရဲ့ ဒန်းကောန်းန ယောဟန်ရဲ့ ပထမ၊ ဒုတိယ၊ တတိယပေးစာ လေဟို့ ဖောက်မြို့မာ နေနေဒူးမာ ယောဟန် ရေးဟွားဟွယ် ဆိုဘီး လတ်ခံဟွားဂေ့ဟွယ်။

ယောဟန်ဟာ အယ်ပေးစာဟို့ ဂါယု နာမယ်ရှိဟူ ယောင် ကြည်သူနားဟို့ ရေးဟွားဟွယ်။ သူဟာ ဂါယုဟို့ ငယ်ရျင်း တယော့-က်ဖြစ် ဖော်ပြဟွားဘီး အယ်ဒေသမာ ခရီးသွား နေဂေ့ဟူ ခရစ်ယာန် ညီကိုလေဟို့ ဧည်ဝတ်ကျေဟို့တွပ် ညွန်ကြားဟွားဟွယ်။

ကြောင်းရာ ကျဉ်းချောက်

၁။ ယောဟန်ဟာ အယ်ပေးစာဟို့ မိတ်ဆစ်ပေးဟွားဟူ ကြောင်း (၁.၁)

၂။ သူဟာ ဂါယုဟ် အားပေးဘီးန ညီကိုလေဟ်
ညွဲဝတ်ကျေကြောန်း ပြသဟ် ညွန်ကြားဟားဟူ
ကြောန်း (၁.၂-၈)

၃။ သူဟာ ဒယောတရပ်န ဒေမေတရီကြောန်းဟ် ပြော
ပြဟူကြောန်း (၁.၉-၁၂)

၄။ နှော-က်ဆောင်းမာ သူပေးစာဟ် နိဂေါန်းချောက်
ဟားဟူကြောန်း (၁.၁၃-၁၄)

^၁ သတ်ကီးဟူ သူဟာ —
သမ္မာတရားအားဖြင့် ငါရှစ်ရဟူ ဂါယုနားဟ် စာရေး
လိုက်ပါဟယ်။

^၂ ရှစ်ရဟူမိဆွေ၊ နန်စိန္တလောင်း ကောင်းစားဟူမျိုး နန်
ဟာ ရာရာမာ ကောင်းစားဘီး ကျန်းမာဟ်တွပ် ငါဆုတော
န်းပါဟယ်။

^၃ နန်ဟာ သမ္မာတရားန ကျင်လည်သတ်ရှင်ဟူတိုင်း နန်
မာရှိဟူ သမ္မာတရားကြောန်းဟ် ညီကို မောန်နှမလေ လာ
ဘီးဟာ သတ်သေခံဟူ ခီမာ ငါဟာ ရရာတိုင်း ဝန်းသာရ
ဟယ်။

^၄ ငါ့သားမီးလေဟာ သမ္မာတရားန ကျင်လည်နေဟယ်
ဆိုဇာဟ် ငါကြားရဟူကြောန်း ဝန်းမြှော-က်ရှင်းထတ်သာ
ဟူ ဝန်းမြှော-က်ရှင်းမျိုးမွေဟ်။

ဂါယုဟ် ချီးမွမ်းဟူကြောန်း

⁵ ရှစ်ရဟူမိဆွေ၊ နန်ဟာ ညီကို မောန်နှမလေန တခြား သူလေဟို့ ပြုမူဆစ်ဆံရာမလည်း သစ်စာန ပြုတတ်ဟယ်။

⁶ အယ်သူလေဟာ နန်ရဲ့ ရှစ်ရှင်းမြစ်တာကြောင်းဟို့ သင်းတော်လေရှေ့မာ သတ်သေခံဂေဟယ်။ နန်ဟာ အယ်သူလေဟို့ ရှေ့ဆစ်ဘီး ခရီးဆစ်နိုင်ဟို့တွပ် ဘုရားသခင် လိုတော်ရှိဟူတိုင်း ကူညီမဇမယ် ဆိုဟာ ကောင်းဟူမဟို့ ပြုရှင်းဖြစ်လေမယ်။

⁷ ဖြားဖြစ်ကြောန့်နဲ့ဆိုဟာ အယ်သူလေဟာ နာမတော်ဟို့ ထွေး-က်ဘီး ဘုရားသိဘဲဟူ လူလေနားဟုနေဘီး ဖယ်ဇာဟို့လည်း လူခံဘဲန သွားဂေဟယ်။

⁸ အယ်ကြောန့် နို့လေဟာ သမ္မာတရား ပုလန့်ပွားလာအောန် ကူညီမဇဟူသူ ဖြစ်ဟို့တွပ် လောက်ဖော်ဆောန် ဖတ်ရှင်းဖြစ်ဟူ အယ်သူလေဟို့ ကူညီထွေး-က်ပံ့သင့်ဟယ်။

ဒယောတရပ်န ဒေမေတရိကြောန့်

⁹ ငါဟာ သင်းတော်ဟို့ စာရေးဘီး ပေးလိုက်ဟူလည်း ဘဲ ခေါင်းဆောန်လောက်ရှင်ဟူ ဒယောတရပ်ဟာ နို့လေဟို့ ခွမ်ပေးဘဲန ငြင်းပယ်ဟယ်။

¹⁰ အယ်ကြောန့် ငါလာဟူ ခီမာ သူပြုဟူမူရာဟို့ သူသိရအောန် ငါထွေး-က်ပြမယ်။ အယ်သူဟာ ဆန့်ကျင်ဟူ စကားန နို့လေဟို့ ကဲ့ရဲ့လွေး-က်န စိပြေဟူ။ ညီကို မော

နန္ဒမလေဟို ကိုယ်တိုင်လတ်ခံဟု။ လတ်ခံဟု သူလေဟို
လည်း တားဘီးဟာ သင်းတော်ဟုနေ နှိပ်ထုတ်ဟယ်။

¹¹ ရှစ်ရဟူမိဆွေ ကောန်းဘဲဇာဟို တုယူန။ ကောန်းဟူ
ဇာဟိုသာ တုယူပါ။ ကောန်းဟူကျင့်ဟို ကျင့်ဟူသူဟာ
ဘုရားသခင်န စပ်ဆိုင်ဟယ်။ ကောန်းဘဲကျင့်ဟို ကျင့်ဟူ
သူဟာ ဘုရားသခင်ဟို သိမြင်ရသေးဘဲသူ ဖြစ်ဟယ်။

¹² လူတိုင်းဟာ ဒေမေတရီရဲ့ သတ်သေ ဖြစ်ဂေဟယ်။
သမ္မာတရားဟာလည်း သူ့ရဲ့သတ်သေ ဖြစ်ဟယ်။ နို့လေ
လည်းဘဲ အယ်သူဖတ်မာ သတ်သေခံ ဖြစ်ဂေဟယ်။ နို့
လေရဲ့ သတ်သေခံရှင်းဟာ မှန်ကန်ဟယ် ဆိုဇာဟို နန်သိ
ပါဟယ်။

နော-က်ဆောင်း နောက်ဆစ်စကားကြောန်း

¹³ နန်းနို့ဟို ငါပြောဇာလေ ဘောင်ဂီးရှိဟူ လည်းဘဲ မှန်
ရယ်န မှန်တံအားဖြင့် စာရေးဟို့တွပ် လိုရှင်ဘဲကြောန်း

¹⁴ ငါဟာ နန်းနားဟို ကြာခန်ရော-က်လာဘီး နန်းန မျစ်
နှာချင်းဆိုင် စကားပြောဆိုနိုင်လေ့မယ် ဆိုဘီး မျှော်လင့်
ဟယ်။

¹⁵ နန်းမာ ငြိသတ်ရှင်းရှိပါစေ။

အယ်ရပ်မာရှိဟူ မိဆွေလေဟာ နန်းဟို နောက်ဆစ်ဂေ
ဟယ်။ နန်းနားမာရှိဟူ မိဆွေလေ နာမယ်ဟို ခေါ်ဘီးနောက်
ဆစ်ပါ။

ဓမ္မသစ်ကျမ်း ထားဝယ်ဘာသာစကား
The Holy Bible in the Tavoyan language of
Myanmar: ဓမ္မသစ်ကျမ်း ထားဝယ်ဘာသာစကား

copyright © 2024 The Word for the World International

Language: (Tavoyan)

Contributor: The Word for the World International

ထားဝယ် ဓမ္မသစ်ကျမ်း

The New Testament in Dawei Language

The Word for the World

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-09

PDF generated using Haiola and XeLaTeX on 9 Jul 2025 from source files dated 9 Jul 2025

0c63f106-1001-58e4-ad11-6f62c327c4e1